

善本書室藏書志

善本書室藏書志卷九

錢塘丁丙松生甫輯

史部七

東家雜記二卷

影宋鈔本

右朝議大夫知撫州軍州事兼管内勸農使仙源縣開國男食邑三百戶借紫金魚袋孔傳編

傳字世文至聖四十七代孫建炎初隨孔端友南渡遂流寓衢州此書上卷九類曰姓譜曰先聖誕辰諱曰日母顏氏曰娶元官氏曰追封諡號曰歷代崇奉曰嗣襲封爵沿改曰改衍聖公告曰鄉官下卷分八類曰先聖廟曰杏壇前後殿曰廟柏曰廟中古碑曰廟外古跡曰齊國公墓曰林中古碑前有紹興甲寅孔傳自序卷首載杏壇圖并說孔稚圭北山移文石守道擊蛇笏銘元祐黨籍後附至聖四十六代孫宗翰四十八代孫孔端

朝家譜序又有五十代孫孔擬跋皆後人附入非孔傳原本所有是書 四庫所收與此不同當是別有一本此本與錢曾敏求記所載合惟二卷錢作三卷當是記憶之誤也

孔氏祖庭廣記十二卷

影元刊本

馬芻齋藏書

資政大夫襲封衍聖公知集賢院兼太常丞五十一代孫元措謹

續編

元措字夢符以元豐八年四十六代孫宗翰家譜宣和六年四十七代孫傳祖庭雜記合編爲一復增門類冠以圖像并載舊碑全文改稱廣記書成於金正天四年丁亥張左丞行信爲之序錫版南京此則元措刻於蒙古壬寅年歸闕里後重雕之本距金亡已十載矣蒙古初以干支紀歲未有年號壬寅在宋當爲道祐二年也先聖生日記爲魯襄公二十二年十月二十七

日庚子與史記世家作十一月庚子異又聖妃开官氏不作元

官足證明刻家語以并爲元之誤錢塘何元錫得於曲阜孔氏
錢宮詹大昕爲題記此從元刻影鈔者有漢唐齋武原馬氏藏
書讀史精舍得之有道傳之無愧馬玉堂印笏齋諸印

闕里誌二十四卷 明刊本

志凡二十四卷首圖像次禮樂次世家次事蹟次史記世家次
祀典次宗子世紀次人物次林廟次山川次古蹟次恩典次第
子次歷代誥敕次明朝誥敕次御祭文贊次撰述次藝文仍各
具子目宏治乙丑九月太子太傅戶部尚書謹身殿大學士知
制誥長沙李東陽序曰宏治甲子重建闕里 孔廟成東陽奉
敕代告周覽遐慕欲爲一書巡撫都御史徐公源衍聖公聞罷
力贊其議適聞提學副使陳君錫有事於此因以屬之取所定
凡例稍加潤飾且以孔氏實錄孔庭纂要素王事紀世家補鈔
本致之以備採擇陳君乃參閱祖庭廣記與凡遺碑斷刻諸事

所載踰年而後成翰林吉士濟上楊士聰又爲序六十五代孫襲封衍聖公允植爲後序鎬會稽人成化丁未進士官至右副都御史巡撫湖廣有桂蔭書屋虞山景氏家藏兩印

孔孟事蹟圖譜四卷

舊鈔本

鳴野山房藏書

會稽季本攷辨晉江王慎中訂正錢塘童漢臣校刊

嘉靖甲寅秋王慎中敘云書據史記司馬氏通鑑劉氏外紀邵氏皇極經世書呂氏大事記金氏通鑑前編近潘氏孔子通紀益以春秋內外傳戰國策禮記家語孔叢子諸書參攷互證權嚴行事差次歲年櫛比籽緯既詳且確其正諸家同異一以論語孟子二書爲主故雖生乎數千歲之遠而鑿鑿可信也凡孔子二卷孟子二卷圖已佚去本字明德正德丁丑進士官長沙知府是書雖入存日節臣稱其頗有攷核如云孔子未嘗至楚見昭王孟子先至齊而後梁皆有所見漢臣嘉靖乙未進士官

江西副使仁和學撰有碑記此從其刊本錄出有鳴野山房印

孔門傳道錄十六卷

明刊本

明後學海州張朝瑞輯明州余寅校

朝瑞字子禎海州人隆慶戊戌進士官至南京鴻臚寺卿是書
卷一至卷四曰祀典源流考記歷代崇奉孔子典制卷五曰世
家記至聖事蹟卷六至十五曰列傳記四配十哲先賢先儒及
附祀啟聖祠諸人事蹟卷十六曰改祀罷祀記嘉靖中改祀林
放等七人及罷祀公伯寮等十五人事蹟也前有萬曆甲午資
政大夫禮部尙書兼東閣大學士四明沈一貫序及萬曆乙未
余寅萬曆戊戌張朝瑞二序次列凡例十三條此書因萬曆十
二年詔以王守仁陳獻章胡居仁從祀孔子廟庭朝瑞於守仁
深致不滿故著是錄於守仁多微詞卽一貫序謂新建之從祀
也余時職在翰林予其祀不盡予其學云云蓋其時講學家門

戶紛爭牢不可破此書 四庫未收傳本甚罕因特存之

三遷志五卷

明刊本

海鹽呂兆祥呂逢時重修

志一卷爲地靈石像祖德母教師授年表二卷爲佚文讚注崇習三卷爲僧事弟子禮儀恩賚宗系名裔四卷爲祠廟林墓五卷爲祭謁題詠古蹟雜志凡二十一類每類前各爲四言贊語書本嘉靖壬子沂州道僉事蒼溪史鶚萬曆辛亥鄒縣知縣漢州胡繼先兩家之舊呂元善爲之訂補未脫稿而殉寇難其子兆祥孫逢時乃續成之曲阜孔允植孔貞叢孟子裔孫孟宏譽孟聞玉爲之參訂並刊李日華賀萬祚呂溶萬克續潘榛周希孔孟承光新舊各序

履世志八卷

明刊本

海鹽呂兆祥重修裔孫顏光魯參訂顏紹統訂閱

海鹽呂元善字季可天啟中官山東布政司都事後殉流寇難
嘗輯聖門志三遷志而未竟兆祥乃其子也因正德丁卯山東
提學副使陳鏞創作陋巷志萬曆辛丑巡按山東御史楊光訓
續又編輯記載未備復爲修訂刊陳鏞季遜學史鸚于慎行楊
光訓方沆吳達可諸舊序於前並冠退省從行陋巷林廟諸圖
於首

右傳記類聖賢之屬

晏子春秋八卷

元刊本 馬笏齋藏書

漢志惟作晏子隋志乃名春秋兩志皆作八篇晁氏讀書志云
嬰相景公此書著其行事及諫諍之言崇文總目謂後人採嬰
行事爲之非嬰所撰此八卷本前有目錄及劉向校上晏子奏
每篇又分小目列於每卷之首總二百十五章平津館有影寫
本云盧氏羣書拾補稱吳槎客示余元人刻本每卷首有總目

又各標於本篇當卽此本每葉十八行行十八字與此符合有
讀書小子實穎之印无庭古鹽馬氏笏齋珍藏之印諸章

晏子春秋八卷

精校孫氏刊本

右晏子春秋七卷乃翰林編修孫星衍所校刊者今錄編修廉
石居藏書記曰晏子春秋七卷以元槧本校自刊本藝文志儒
家晏子八卷蓋內篇六諫上諫下問上問下雜上雜下外篇二
後世始并爲一故七篇向敘云定著二百十五章明吳勉學本
止二百三章余有十子槧本又以詞相同者附注其次第予嘗
以沈啟南吳懷保本校梓分八篇多十二章適符敘錄之數及
勘元本亦如此元本每卷首有總目又各標於本篇惟缺末章
之大半因据太平御覽九百三十五引此書補足之儒家書此
爲第一又是劉向手定篇第完備無譌缺甚可寶也前有乾隆
五十三年十月星衍自序不知何人又用硃墨筆校補之

李相國論事集六卷補一卷

彭云

李絳字深之

絳隴西人擢進士補渭南尉歷中書門下平章事新唐書有傳此書乃唐史官蔣偕編絳奏議之文與論諫之事有大中五年偕自序原編七篇今已闕一後人於歷代名臣奏議諸書摘十

一篇附之

王文正公遺事一卷

明刊本 許丹臣藏書

前有王文正公幼子素序素字仲儀舉進士歷官工部尚書諡曰懿宋史有傳是編晁氏讀書志作四卷凡五百條陳氏書錄解題作一卷與此本合則南宋時已經刪節矣有葉氏藏書葉德榮甫世藏心展之印三印後有康熙庚寅七月廿九日曝書檢及補印小鳳圖記時年五十有二丙子書將另錄目昨秉燭話舊駒隙堪驚丹臣識霏玉軒瓶蘭北窗丹臣姓許氏松江人

葉九來先生增也玩其題印書當爲奩中物耳

美韜堂紹陶錄二卷

鈔本

泰山王質述

質字景文興國人紹興三十年進士官樞密院編修出通判荆南府改吉州是錄有質自序蓋於淳熙中奉祠山居以陶潛陶宏景皆棄官遺世其同時唐汝舟字濟民鹿何字伯可遠可紹粟里華陽之風故錄二譜各摘遺事爲題詞以詠之又紀唐鹿事蹟而附以林居詠物之詩實則借以自寓也雲韜者雪山王氏堂名此傳錄洞庭翁氏棧藏本

徐文清公家傳一卷

影明鈔本

文清名僑字崇甫婺之義烏人事實載宋史本傳此其門人朱元龍葉由庚夔應之所同撰九世裔孫彰所刊行也攷宋理宗本紀言端平二年甲寅詔議胡瑗孫明復邵雍歐陽修周敦頤

司馬光蘇軾張載程頤程頤等十人從祀孔子廟庭升孔伋爲
十哲據家傳僑與李璿實主其議又本紀言是年三月詔進士
陳文蔚著尙書解並補迪功郎據家傳僑實以致亭門人薦其
曾著傳可爲傳心建極之要并言其人宜置直講所述事蹟甚
詳可補宋史之闕後附毅齋別錄一卷厲鵠宋詩紀事於僑小
傳下僅言有集未舉其名所選毅齋卽事一首今存集中而注
云濂洛風雅則亦未親見此書阮氏元鈔進 內府見掣經室

外集

鄂國金陀粹編二十八卷續編二十卷 明嘉靖壬寅翻元刊本

孫奉議郎權發遺嘉興軍府兼管內勸農事岳珂編進

珂居在嘉興金陀坊故以名書粹編前有嘉定戊寅自序續編
有紹定戊子自序按別本有嘉靖壬寅張璠序謂是本巡按浙
江御史唐一鵬重刊更有兩浙鹽運使晉江洪富後序今皆削

去以充元刻此書舊爲嘉禾所刊歲久脫壞至正二十三年未
元佑求得其本重刻於西湖書院陳基爲之序較舊爲詳中有
闕文無從補矣

宋忠獻韓魏王君臣相遇家傳十卷別錄三卷遺事一卷 明刊本

是書前有魏王眞像王龜齡像贊目錄題宋丞相韓忠獻公家
傳卷一之十君臣相遇傳卷十一別錄卷十二遺事萬曆甲寅
江都王納諫原序云韓公生平宋史具載茲錄特出其家祕豫
璋徐若谷先生之所珍襲而少宰劉公手自校定今侍御溫陵
徐公爲劉門人而若谷友也因梓於治澦行臺而益以玉山巖
叟增至二編其知韓也夫 四庫總目祇存十卷謂不著撰人
名氏觀其末載曾孫各十二人而無侂胄殆其家子孫諱而削
之成書當在開禧之後更引晁陳二家書目今自所傳韓魏公
家傳韓魏公別錄韓忠獻遺事外尚有韓魏公語錄一卷卽別

錄之文而顛倒其先後惟卷末多一條又韓忠彥所撰辨欺錄一卷記其父嘉祐末命事與文富諸人辨今雖未見而書中大旨皆可攷云云殆別是一本此本家傳別錄遺事與晁陳目相合萬歷王序稱出其家祕則原傳尙爲元明間所刊也卷前有明翰林院庶吉士武進後學鄭鄭評點一條并崇禎戊辰春鄭序鄭家數世降仙扶箕父母信奉之其父以箕仙責過其母溫體仁附致其罪不得遂以逼父杖母罹鄭極刑天下寃之卽此人也有許煥收藏印

象臺首末五卷附錄一卷 舊鈔本 許周生藏書

嗣孫胡祿重編刻桂陽州學正順德簡欽校正

宋胡夢昱字季昭吉水人嘉定丁丑進士官大理評事以論濟王事貶死象州寶慶元年追贈員外郎咸淳三年追諡剛簡蔭子知柔官知柔傷父志不伸於寶祐四年編其奏疏遺文又益

以諛議及諸家贈答題跋之作因成此書十一世孫桂陽訓導
祿更以舊編重雕并增附錄元明人詩文諸作因此輯入祿有
後跋而羅洪先特序其卷端此爲許氏鑑止水齋鈔本當時館
臣僅見知柔原本故謂其編次無法耳有周生朱文方印周生
名宗彥字積卿嘉慶己未進士官兵部主事有鑑止水齋所藏
多祕籍

宋丞相崔清獻公言行錄內集二卷外集三卷

明嘉靖刊本

崔清獻宋史有傳名與之字正子廣州人紹熙四年進士授潯
州司法參軍金南遷於汴朝議疑其進迫特授直寶谿閣權發
遣揚州事主管淮東安撫司公事力阻和議大修兵備屹然長
城金人不敢內侵嘉定十四年詔爲四川制置使盡護蜀軍旣
而召爲禮部尚書參知政事有丞相兼樞密使均辭不拜以觀
文獻大學士致仕踰年卒所歷皆有惠政眾以公輔望之而與

之偉然有古大臣風與張九齡齊名異代贈太師封南海郡公
謚清獻明洪武戊寅五世孫子璉蒐輯言行錄敘云元季兵燹
家藏文集灰燼所存者言行錄一篇尤慮美迹不耀乃爲蒐摭
鄉先生陳閩卿史翻故後得嘉定誥命并奏稿十六篇後復得
端平詔命七篇敬附於錄嘉靖丙申十世孫壘重編之繪增城
鳳山書院祠圖清獻遺像并贊編爲內集前卷乃行實一篇凡
五十段後卷皆奏疏詩文外集前卷爲宣賜詔札中卷爲宋史
本傳通鑑綱目節要世史正綱所書十三條後卷則爲行狀記
贊題跋之屬瓊山唐肖常鄉周采南海何維柏並爲序有吳城
及華藏主人德清許氏鑑止水齋藏書之印蓋先藏吳氏後藏
許氏也

宋丞相崔清獻公全錄十卷 明嘉靖刊本 毛子晉手滄葑舊藏

崔清獻著有菊坡文集嶺南便民榜海上澄清錄佚於兵燹僅

存言行錄三卷奏劄詩文五卷五世孫子璉哀爲一編益以理
宗御劄及諸家詩文爲附錄二卷洪武戊寅黎貞永樂中劉履
余鼎宏治十年宋端儀並爲序嘉靖間鄉後學唐胄何維柏又
爲重刊序有汲古閣季振宜藏書御史之章季振宜印滄葦諸
印

陸石丞蹈海錄一卷

舊寫本

吳氏玉玲瓏閣藏書

後學京口丁元吉編次

右記宋陸秀夫海上死難事蹟採宋史本傳龔開所作傳及諸
家題詠並秀夫遺文二篇附桑海遺錄序元吉鎮江人書成於
成化間有橫河龔氏玉玲瓏閣收藏圖書玉玲瓏閣者仁和龔
翔麟藏書處也字天石號蘅圃康熙辛酉副貢官至御史卷尾
題云丙戌二月九日閱是書鈔自嘉禾曹秋岳先生家當爲康
熙二十五年龔蘅圃手筆海鹽張芷齋載華記云居易錄所載

從蘅圃借閱本所摘蹈海錄詩句及序記卽從此出也惟龔開
漁洋訛作熊開耳更有芷齋圖籍古鹽張氏松下清齋諸印

忠貞錄三卷附錄一卷

影鈔本

錄首列卓公畫像及像贊一卷遺稿爲詩十九章文三篇及靳
陽顧問長洲劉畿永嘉王諍前後序二卷爲劉球以下所撰傳
紀祠記祭文三卷爲曹睦以下悼忠詩附錄則奉常黃養正孝
廉陳茂烈二傳皆卓公鄉人也舊爲李維樾蔭昌林增可任所
編此則康元穗徐一經重爲序刻而項維聰又爲之序謹按
欽定勝朝諸臣殉節錄第十二卷載戶部侍郎卓敬瑞安人嘗
勸惠帝徙封燕王於南昌事竟寢燕王卽位被執不屈死夷三
族敬識炳徙薪計深強幹忠言莫效大節克全謹忠毅 天語
表章初不籍之是錄也

宋濂溪周元公先生集十三卷

明刊本

汪魚亭藏書

春陵拙吏龍城後學航普李嵎慈纂修

嵎慈字元穎龍城人官道州知州因李維卿司寇楨述周子事實首載太極圖說通書次墓志及諸儒議論歷代褒崇祭告典禮古今紀述題詠撰爲濂溪志九卷重加緝補改增卷帙自爲之序懷遠增生李嵎萱元旭州判學正訓導吏目甯遠衛經歷等同爲編訂有汪魚亭藏閣書印

昭忠錄五卷附錄一卷

明宏治刊本 曹德圃藏書

里生周璟彥充編輯後學傅景良明臣校正

璟家仁和平安坊以里中褚塘助聖廟舊祀唐諫議大夫褚公遂良未奉祀典於成化十一年奏聞蒙允因彙錄章奏禮部勘合祭物祭文祠碑像贊唐書刻傳通鑑綱目諸書紀載及士林題詠編爲五卷附以璟所作辭神上京到京進本事下禮部都門志別與祭諸詩前有成化十四年東吳錢溥吳興張甯同里

沈富仁和張震郡人鄧林序後有傳景良跋按吾杭舊志稱郡庠教授徐一夔修於洪武年者爲淑善夏時正修成化志時已不可得此錄猶引徐志所載人物列傳并籍家塘所居一條可見當日遺籍尙未全亡也有曹溶之印潔躬知不足齋主人所貽張燕昌印丁哲生家藏書籍印諸圖記

謝舉羽年譜遊錄注

舊鈔本

汪魚亭藏書

會稽徐沁楚公著

楚公嘗刊鬚髮集因復搜採遺事作爲是譜并注金華遊錄其子婿余隆徵識云存山林之典故發潛德之幽光能使採薇之魄眉目如生操蛇之神林壑增勝可謂得其用意之微矣姚江黃宗義爲序有汪魚亭藏閱書印

右傳記類名人之屬

高士傳三卷

明刊本

藏書志卷九

十

元晏先生皇甫謐撰五嶽山人黃省曾頌

謐字士安安定朝那人漢太尉嵩之曾孫嘗舉孝廉不行晉書有傳南宋李石續博物志高士傳七十二人今按太平御覽中已全載之晁氏讀書志作九十六人陳氏書錄解題作八十七人是宋時已有二本此爲明嘉靖癸巳黃省曾與列女傳列仙續仙傳合刻本各綴以頌前加以序其人數則與晁志合

廣卓異記二十卷 舊鈔本 汪季青藏書

朝散大夫行尚書都官員外郎直史館上柱國樂史撰

前有自序稱昔日李翱著卓異記三卷述唐朝君臣超異之事事多漏落未爲廣博臣亦嘗撰續三卷卓異記進上則唐朝之事庶幾盡矣又讀元魏以降至五代竊見聖賢卓異之人不下唐時今自漢魏至周世宗并唐之人總爲一集名曰廣卓異記凡二十卷目錄二卷云云首卷記帝王次記后妃王子公主三

卷雜錄四卷至十七卷皆記臣下貴盛之極與顯達之速者十八卷雜錄十九卷舉選二十卷專記神仙之事有古香樓展硯齋休甯汪季青家藏書藉柯庭流覽所及諸印

廉吏傳二卷 鈔本

成都費樞編集

前有東萊辛次膺序云蜀人費君廉吏傳斷自列國訖於五季精加汰擇所得僅百數係之以評論揚榷務中其實不諛不隱非內省於心無少疵類者敢爲之乎友人余君邦式得以示僕比屬閩令張君維詩爲鈔版有宣和乙巳七月朔樞自序後知彭州軍州事成都何邦基又序之陳氏書錄解題作十卷此僅上下兩卷凡百十有四人與陳氏所記人數則台殆卷數昔分今合歟

紹興十八年同年小錄一卷 鈔本

右爲宋紹興十八年戊辰王佐榜進士題名錄因朱子列第五甲第九十人而重明宏治間版刊之張安道且於滁州歐梅亭石刻之此蕭山王宗炎從吳門黃不烈借錄本也首列十七年開科手詔次十八年四月三日御試策問次敕差與試諸官銜名次期集所供事人名日期次錄第一甲十人第二甲十九人第三甲三十七人第四甲百二十二人第五甲百四十二人特奏名一人每人下列名字小名小字年甲外氏行第兄弟妻氏三代籍貫里戶蓋科例如是也是榜徐履以南省第一人而殿五甲張荃翁貴耳錄謂履因功名念重遂有心疾殿試卷子寫一竹題曰畫竹一竿送上試官朝廷亦優容之別本附錄云時秦檜欲妻以女因佯狂廷對不答一字乃附五甲之末以視狀元王佐等三人對策之語皆附會和議爲何如耶後有黃丕烈王宗炎跋

伊洛淵源錄十四卷

明刊本

何義門批校

宋朱子撰記周子以下及程子交游門弟子言行元至正間有刊本明謝鐸更有續錄六卷本此明末所刊何義門所手批也有須靜心要在腔子裏胸齋雲深微情矯輕飛雲閣毅齋何焯之印一瓢顏巷諸印皆押於每卷之端焯字峴瞻號義門長洲人康熙癸未特賜進士授編修贈侍講學士博覽羣籍長於考證手校各書藝林寶之

新刊名臣碑傳琬珍之集前集二十七卷中集五十五卷下集二十五卷

影宋鈔本

馬二桂藏書

眉州進士杜大珪編

大珪仕履無攷紹熙甲寅暮春自序云國朝人物之盛遠追唐虞三代之英秦漢以來鮮儷矣自建隆乾德之肇迨暨建炎紹興之中天因時輩出豐功偉烈焜耀方冊雖埋光鏤采位不稱

其德者亦各有記於時欲求之記事之書則灑顛噩噩未易單究維出於野史見聞者其事又裂而全不足以觀其人之出處本末好事者因集神道誌銘家傳之弘者爲一編以便後學之有志於前言往行者韓退之韓弘碑杜牧之譚忠傳今質諸正史而皆合學者將階此以攷信於得失之迹不爲無助云有二槎齋後海昌馮氏漢晉齋鑿藏諸印

宋中興學士院題名一卷

舊鈔本

此中興百官題名五十卷之一也宋建炎至嘉定次第建翰林學士院又諫院又登聞檢院又登聞鼓院又進奏院又官話院又文思院又糧料院又樞密官屬皆有題名石刻陳氏書錄解題稱監察御史臨川何異同叔嘗撰中興百官題名首卷爲宰輔拜罷錄餘以次列之刻之浙漕司其後以時增附渡江之初庶務草創諸司間有不可攷者多闕之大約爲何同叔撰也錢

大昕從大典中鈔出始傳錄於藝苑

寶祐四年登科錄一卷

鈔本

此亦蕭山王紹蘭從黃蕘圃借錄之本卷首御試策後列攷官
姓氏初攷官三人添差覆攷官四人初攷檢點試卷官一人其
覆攷檢點試卷官一人則王公應麟也第一甲二十一人第一
名卽文天祥第二甲四十人第一名卽謝枋得第二十七名卽
陸秀夫第三甲七十九人第四甲二百四十八人第五甲二百
一十三人是錄以文信國陸君實謝壘山三人而重猶紹興同
年錄之以朱子而傳也後附楊萬里濱熙薦士錄

京口耆舊傳九卷

舊鈔本

不著撰人姓名其書採京口名賢事迹各爲之傳始於宋初迄
於端平嘉熙間體例雖仿正史而軼聞逸事較史爲詳原書久
佚館臣從永樂大典中錄出攷知其家世丹陽作者當爲南宋

末人

敬鄉錄十四卷 鈔本

元吳師道撰

是書以宋紹興二十四年婺州守洪遵東陽志所錄有關遺因集錄其鄉賢自梁訖於南宋每人先述其事迹附錄其詩文亦有止著其目者前有自序

名臣經世輯要四卷 精鈔本

前有至正壬辰魏郡李好文序云帝王之序雖有天命然佐理功臣豈可少哉予閱宋史不禁三歎焉姦宄莫測者固無論矣其間削平禍亂坐致太平得若而人卽其南北各守而繼世猶得百有餘年非翼贊烏能若此每欲於諸臣出處稍有評論因輯其行事如覩其氣節梗概使後之爲人臣者奮乎知所興起焉噫君臣遇合難言之已錄皆相臣上卷爲趙普張齊賢李昉

呂蒙正呂端李沆向敏中王旦寇準李迪王曾呂夷簡中卷爲
杜衍文彥博范仲淹韓琦富弼歐陽修下卷爲王安石司馬光
呂公著范純仁末卷爲李綱趙鼎張浚文天祥略仿朱子名臣
言行錄輯其行實若干條書眉偶有評論從前藏書家罕見著
錄錢大昕元史藝文志載李好文著述有大寶錄大寶鑑不
注卷數豈後人得其殘帙而改題其名歟有琴溪草堂時還軒

藏書記二印

唐才子傳十卷

日本刊本

西域辛文房撰

文房始末不可攷其卷第八題辛良史撰當爲文房之字卷首
自引題有元大德甲辰春則爲元時人陸友仁研北雜志稱其
能詩與王執謙齊名揚士奇東里集有是書跋是明初尙存中
土也錄凡二百七十八篇因而附錄不混者又一百二十家皆

以時代爲斷時代之中又以科目先後爲斷始大業初終五季
未繼往開來別具微旨伸真黜妄雅具體裁評論得失好而知
惡非徒知誦詩而不知尙論者 四庫從永樂大典採輯釐爲
八卷此則東瀛刊本尙屬原帙厥後蕭山王宗炎以陸芝榮校
汪繼培勘者雕於三間草堂卽是本耳

國朝名臣事略十五卷

校元統本

瞿氏田裕齋藏書

趙郡蘇天爵伯脩輯

按天爵真定人由國子生試第一授蘇州判官終浙江行省參
知政事元史有傳凡採錄名臣四十七人始太師魯國忠武王
木華黎終靜修劉先生因大抵據諸家文集所載墓碑墓誌行
狀家傳爲多間採雜書一一注其出處發端於教育日成書於
至順間有許有壬歐陽元王理王守誠等序目錄後有元統乙
亥余志安刊於勤有書堂一行此本則仙以聚珍本校補元統

本有瞿氏鑿藏金石記田裕齋藏朗仙手校三印朗仙姓柳常
熟人田裕齋常熟瞿鏞藏書室也鏞字子雍歲貢生著有鐵琴
銅劍樓書目

元統元年進士題名錄一卷 影寫元本 張英川藏書

後有竹汀錢大昕跋云此元統元年進士錄錄前當有讀卷監
試執事諸臣銜今惟存監膳供給口造公服數人餘皆失之是
年歲在癸酉以十月改元故列傳或書至順四年其實一也元
自延祐設科賜進士五十六人嗣後遞有增廣無及百人之額
者是科增至百人史家以爲科舉取士莫盛於斯者也廷試進
士例以三月七日是年順帝以六月卽位故廷試移在九月三
日此亦當書於選舉志者可以補史文之闕是榜蒙古色目五
十人漢人南人五十人有兩五閩兩脫穎敏安達爾與明安達
耳音亦相同當時不以同名爲嫌也李齊貫保定路祁州蒲陰

縣匠戶而史云廣單人丑閻貫昔寶赤身役唐兀氏而史云蒙兀氏皆當以錄爲正右榜第三甲第十六名字彥輝而名已殘缺唯末筆似歹字曳脚以元史忠義傳證之當是塔不台台與歹元人多通用也此百人之中元史有傳及附見者凡十人余關月魯不花李齊聶炳塔不台明安達耳丑閻皆以忠義顯名而成遵之政績張楨之謙直宇文公諫之文學亦卓卓可稱斯足徵科舉得人之效矣宋時登科錄傳於今者唯王佐文天祥兩榜元之登科錄前輩未有及見者頃黃君楚圖於書肆中偶得之詫爲希有屬予審定爰記所攷證於卷末有虞山張氏蓉鏡芙川印芙川名蓉鏡昭文人有小瑯嬛福地藏宋元槧本極夥

草莽私乘一卷 舊鈔本

南邨陶宗儀鈔輯

是書所錄胡長孺王惲許有壬虞集劉因李孝光金綱楊維禎
林清源龔開周仔肩揭傒斯貢師泰汪澤民十四家忠孝節義
之文二十篇內有壬撰文丞相傳序開撰文丞相傳陸君實傳
輯陸君實輓詩序尤輝炳簡冊宗儀字九成黃巖人元末舉進
士不第洪武中出爲學官明史入文苑傳私乘手稿藏王弇州
家蒙叟訪之不得從江上李如一鈔得之并識二跋黃堯圃土
禮居題跋云私乘存公道鴻文二十篇綱常留大節草莽示微
權感慨宋元際表揚臣妾賢蹟之如有愧掩卷淚淒然

京闈小錄一卷

舊鈔本

右明建文元年應天鄉試錄也前有翰林院侍講方孝孺序是
科攷官董學紀方孝孺合太學暨畿內之士千五百人八月七
日甲辰入院起十四日丁巳而畢第一場四書義三題行夏之
時四句親親而仁民兩句可以託六尺之孤五句易書詩春秋

禮各四題春秋以伐鄭戍虎牢伐鄭會於蕭魚爲一題餘倣此
乃合題也二場論詔誥表各一判語五三場五問中式舉人二
百四十人中式程文第一名劉政可以託六尺之孤五句義一
首第二十一名錢蒙親親而仁民義一首其餘易二首書二首
詩二首春秋二首禮一首論二首詔誥各一首策五首各擇其
佳者其一百九名爲桐城方法後官斷事死遜國之難其二十
九名胡濙後官尙書稱名臣然不如方斷事之不媿師門也革
除事多散失志乘科貢表尤闕略得此可攷證明初遺制矣

古今列女傳三卷

明內府刊本

首有永樂元年九月朔旦御製序稱皇考修身齊家皇妣輔治
同德每聽女史讀書至列女傳謂宜加討論剛定爲書永作世
範請命儒臣攷正未就永樂九年六月既上冊寶尊諡乃命儒
臣編次古今后妃諸侯大夫士庶人妻之事分爲三卷頒之六

宮行之天下云云奉敕撰者爲解縉黃淮胡廣胡儼楊榮金幼孜楊士奇王洪蔣驥沈度諸臣也有尊敕堂行恕字佩一錢某移圖書記諸章

伊洛淵源續錄六卷

明刊本

前有成化庚午黃巖謝鐸撰序曰昔晦庵先生嘗取周程張子之書緒正表章以示當世又慮世之學者徒得其言而不得其所以言乃復取其平生出處履歷之詳以及其師友之所授受者粹而錄之曰伊洛淵源錄先生旣沒其遺言緒綸散見六經四子者固已家傳人誦矣獨其授受源委與出處履歷之詳窮鄉下邑之士或所未究則無以盡見其全體大用之學鐸不自量竊取先生之意具錄勉齋所撰行狀與其師友之閒凡有預聞於斯道者定爲續錄六卷以見先生繼往開來之功於是爲大而是錄之不可以不續也未有嘉靖己丑臨海高貢亨閩中

重刊跋天一閣范氏書目亦止收續錄也

明成化宏治萬厯會試鄉試錄十二冊 影鈔本

傳是樓天一閣兩家書目均載有明各朝鄉會試錄若干種此
惟存成化五年乙丑八年壬辰十一年乙未十四年戊戌十七
年辛丑二十年甲辰二十三年丁未宏治三年庚戌九年丙辰
十二年乙未十科會試錄與萬厯二十三年甲午一科鄉試錄
也體例與今大略相同

皇明開國功臣錄三十一卷續一卷 明刊小字本

定遠黃金

金字良貴宏治甲辰進士厯官吏部郎中廣西藩參此書自序
謂昔游學宮每聞鄉郡開國事動輒求讀之妨於舉業及入官
文選復爲閣筆暨轉動部稍稍爲之俄而隨牒兩廣奔涉畏途
繼罹多故閣筆數禩比來解官結廬泉山始盡爲之大抵是錄

主功而尤以忠義爲重所以示勸也彼忠義有虧親陷叛逆功雖高不錄其有功高且忠義當錄弗錄者則限於不知非敢故遺自蹈不韙云云餘姚黃珩序之云定遠黃君生於龍飛之鄉及諸公遺澤未斬之際慨然有作膽拾搜羅發微抉隱參以往籍輯爲一書自徐魏公至指揮李觀凡若干人履歷緒業一覽而盡將以傳域中而慰地下可謂知本者矣高氏百川書志載此目云二書合五百九十五人

莆陽文獻十三卷列傳七十五卷

明刊本 汪季青藏書

兵部左侍郎山齋鄭岳編定南京吏科給事中後學黃起龍重校梓

岳字汝華宏治癸丑進士官至兵部左侍郎明史有傳起龍萬曆戊戌進士竝莆田人岳取莆田仙遊二縣自梁陳迄明賦詩文記奏議輯爲十三卷又取名人事蹟成列傳七十四卷見素

林俊爲嘉靖四年岳自序甲申又序之書遭兵燬萬曆丙辰起龍爲之重梓并附柯維騏所作岳傳爲卷七十五原湖侯清爲重刻序有古香樓休陽汪季青家收藏書籍兩印天一閣書目僅收文獻十三卷而無列傳當爲初刊之本

金華正學編十卷

明正德刊本 徐興公藏書

後學趙鶴編

鶴字叔明江都人宏治丙辰進士官至山東提學副使別著金華文統此編有正德辛未自題云呂成公與許吳二公舊列從祀成化間有以四賢請者賜正學祠准龜山例祀於本郡今龜山已秩從祀而郡未及爲四賢再請議者歎焉侍御一山張先生按浙屬鶴攷述藝之文獻鶴遵伊洛淵源錄稽訂東華北山魯齋仁山白雲五先生言行又仿王魯齋五先生文粹取其文之關於道源教本者附諸後云云書爲閩縣徐興公所藏有徐

煥字與公印煥一字惟起子延壽字存永家釐峯藏書與謝在杭曹能始相埒光緒三年魏稼孫饒尹寄贈此帙謹皮小樓以誌高誼

殿閣詞林記三十二卷 明刊本 汪魚亭藏書

賜進士經筵日講同修國史奉直大夫前翰林院侍講學士臣廖道南撰

道南字鳴吾蒲圻人正德辛巳進士官至翰林院侍講學士是書嘉靖乙巳道南自序云昔李肇撰翰林志祇載唐事周必大玉堂記亦繫宋典道南嘗讀中祕書其泰泉黃君佐纂翰林雜記六冊暨屏居楚野恭撰興都通紀之類乃列華蓋武英諸殿名曰殿學文淵東閣名曰閣學其兼六部者名曰部學晉詹事者名曰宮學長春坊者名曰坊學屬宏文者名曰館學典成均者名曰廡學蘇寺署者名曰卿學死節義者名曰贈學擅書翰

者名曰藝學而終始本院者則名之曰院學大概仿列傳之例悉載其官階恩遇而事實亦附焉有汪魚亭藏閱書一印

嘉靖以來內閣首輔傳八卷

明刊本

王小毅藏書

吳郡王世貞元美著

前有世貞自序一卷楊廷和蔣冕毛紀費宏楊一清二卷張孚敬李時三卷夏言翟鑾四卷嚴嵩五卷徐階李春芳六卷高拱七八卷張居正附張羅申時行有蕭山王氏十萬卷樓藏書及小學樓兩印

皇朝名臣言行錄前集十二卷後集十二卷續集八卷

明刊本
馬房齋藏書

海鹽徐咸重纂

前集爲海鹽鄭曉校無錫施漸刊嘉靖己酉咸自序及餘姚魏有本序凡七十一人後集嘉靖辛卯咸自序校刊者仍曉與漸而曉又爲之跋凡七十六人范氏天一閣並爲著錄續集題海

濱逸老咸編集校正者王文祿仇俊卿也凡列四十八人嘉靖庚申八十二翁咸自序邑侯東萊莒父沐濱何思同跋此則

閣本與范氏所未存也咸字子正正德辛未進士官至太常寺卿蓋仿朱子宋名臣言行錄又補豐城楊方震言行錄而作歟有古鹽馬氏笏齋珍藏之印

金華先民錄十卷

舊鈔本

汪氏振綺堂藏書

永康應廷育輯

是書自嘉靖三十二年夏至三十七年春凡五易稿乃成編引古今書籍四十餘種一卷道學七人二卷名儒二十九人三卷名臣三十三人四卷忠義二十五人五卷孝友三十二人六卷政事七十五人七卷文學九十人八卷武功二十一人九卷隱逸十七人十卷雜傳三十九人廷育自爲序廷育字仁卿嘉靖癸未進士官至按察司僉事有汪魚亭藏閱書印猶振綺堂舊

籍也

皇明名臣琬珍錄二十四卷後錄二十二卷續錄八卷

明刊本

右爲武進徐紘編紘字朝文宏治庚戌進士以刑部郎中官至雲南按察司副使體例與杜大珪宋錄相同自洪武至宏治前則一百十七人後則九十五人凡碑銘誌傳地志言行錄悉錄之續集八卷凡六十九人前有嘉靖辛酉武進薛應旂序而四庫目錄未之載豈當時未見是編而以後錄爲續錄歟

紀善錄一卷

舊鈔本

汪魚亭藏書

鹿冠道人杜瓊

是錄皆紀吳中循吏先賢其列女有節操者亦著焉自洪武迄正統凡四十人隨所聞見不爲全傳略寓表微闡幽之意耳瓊字用嘉吳縣人以孝聞知府況鍾兩薦不出自號鹿冠老人著錄於天一閣書目有汪魚亭藏閱書印

義烏人物志二卷 明刊本

後學金江著金沙校

前有正議大夫資治尹禮部右侍郎四明黃宗明序稱義烏金子孔殷治經之暇慨然有志於古博攷賢達傳志及行狀碑銘圖譜訂疑覈實分忠義孝友政事文學上下卷萃爲義烏人物凡四十七人蓋仿宋瀛浦陽人物記而作嘉靖十四年冬江自爲引并凡例天一閣舊藏是書

歷代守令傳二十四卷 明刊本

豫章外史魏顯國纂述

按顯國字汝忠南昌人隆慶丁卯舉人嘗纂歷代相臣傳儒林全傳元相臣傳與此書大率鈔錄史傳原文無所佐證此前有郡守制縣令制兩篇凡錄必不齊仲由下至劉秉直爲歷代循吏二十一卷又鄧都至敬羽爲歷代酷吏三卷前有萬曆丙午

豫章鄧以誥延陵袁一驥序跋有周駿聲景文兩印

元儒攷略四卷 鈔本

明馮從吾撰

從吾字中好長安人萬歷己丑進士改庶吉士又官御史受廷

杖因爭紅丸挺擊事乞歸起為工部尚書以病辭削奪後闖黨

敗復官予諡恭定明史有傳是書以元史儒學傳為主旁採志

乘附益之後題毛嶽生手寫嶽生寶山人最熟有元一代史學

全史史鑑四卷 明刊本

南京刑部尚書徐元大輯

此書有前序而不著撰人起史記之孫叔敖迄元史之許義大

分循吏良吏能吏酷吏依史節錄不加論斷亦無輯書姓名後

列登州府知府徐夢麟校同知張以翔通判曹永年推官談訥

梓刻刷尚佳豈即書帕本耶徐氏傳是樓書目載其名

右傳記類總錄之屬

孫威敏征南錄一卷

精鈔本

承奉郎守大理寺評事通判湖州軍事滕甫

此記皇祐四年孫沔平儂智高事蓋沔知杭州時沔甫才授以洎劇守邊方略雅有知己之感故頌其功績甫後以避高魯王諱以原字元發爲名更字曰達道東陽人舉進士歷官龍圖閣學士諡章敏宋史有傳

烏臺詩案一卷

舊鈔本

舊題宋朋九萬編卽蘇軾御史臺獄詞也按元豐己未東坡坐作詩訕謗追赴御史臺獄當時所供詩案周必大二老堂詩話謂今己卯行靖康丁未臺吏隨駕挈案至維揚張全真參政時爲中丞南渡取而藏之後張丞相德遠爲全真作蔡志諸子以其半遺德遠充潤筆其半猶在全真家皆坡親筆凡有塗改卽

押字於下而用臺印然不言與刊版有異同也陳氏書錄解題作十三卷胡仔漁隱叢話所錄則三卷此本當爲後人摭拾仔之所錄稍附益之追題九萬之名久非原書之舊矣

郭天錫日記一卷

精鈔本

勞氏丹鉛精舍藏書

元郭昇字天錫號雲山京口人日記四冊真蹟在揚州程氏雍正乙巳厲樊榭見之因手錄其中客杭一冊以歸自至大戊申九月初一日至次年二月初九日瑣記交游閱見中頗記請託吏胥之事蓋於江浙行省求充學正山長時作也樊榭稱其記白塔以進士題名碑爲基銅鐘有淳熙改元曾龍篆銘爲他書所未載而寺壁一詩與程史所記康輿之題徽宗畫扇詩亦可參攷異同云鮑以文嘗刻之知不足齋叢書中此則四冊全鈔本也始至大元年八月廿七日止二年十月三十日并閏月凡十六閱月逐日詳書天氣之陰晴寒暑人事之往來酬答委曲

瑣屑靡不備盡宋葆淳謂遇飲酒必書求書畫者必書所觀書
畫必書所游寺觀必書稱謂之間衰譏寓焉感歎之際義理昭
焉細讀一過如見其人性情心事而與之周旋談笑於十有六
月之久也後有趙輯甯鮑廷博兩跋并輯天錫詩文有丹鉛精
舍勞參軍勞權之印勞巽卿譜印

右傳記類雜錄之屬

善本書室藏書志卷九終

善本書室藏書志卷十

錢坫丁丙松生甫輯

史部八

兩漢博聞十二卷 明嘉靖刊本

宋楊侃撰晁氏郡齋讀書志云景德中楊侃讀兩漢書取其中名數前儒解釋爲此書以資涉獵者嘗編職林矣此亦其類也侃錢塘人端拱中進士官至集賢院學士知制誥後更名大雅見宋史楊覃傳所引諸人注語可證而嘉靖戊午黃魯曾序刊本竟削之可謂謬矣凡摘錄前漢七卷後漢五卷字句不依篇第不分門類別爲標目節取顏師古章懷太子注列其下其中頗能證史注之脫宋本末有乾道壬辰十月旦日吳郡胡元質書云元質頃遊三館蒐覽載籍得兩漢博聞一書記事纂言真得提鉤之要惜其傳之不廣也爰是正而芟約之刻版於姑孰

郡齋記此以待訪校

通鑑總類二十卷

明刊本

宋沈樞撰樞字持要德清人紹興間進士官太子詹事光祿卿
諡憲敏取資治通鑑之文仿冊府元龜例分二百四十一門隨
事標題易於檢尋嘉定元年初刻於潮陽四明樓鑄序之至正
癸卯江浙行省中書左丞蔣德明重刻之鄱陽周伯琦爲序萬
厯間武林重鈔天啟中司禮監李賓因舊版而修序之且跋其
後實爲是書一玷

東萊先生校正南史詳節二十五卷

元刊本

前有南北國都地里之圖宋齊梁陳世系圖每葉二十八行行
二十四字元槧本十七史詳節之一也

東萊先生校正北史詳節二十八卷

元刊本

前有後魏北齊後周世系圖每葉二十八行每行二十四字版

式與南史詳節同一轍

十史詳節二百七十三卷 明正德刊本

此書世傳爲呂成公輯錄有元時仿南宋巾箱刊本於史記題曰東萊先生增入正義音注史記詳節於漢書則曰參附漢書三劉互注西漢詳節於後漢則曰諸儒校正東漢詳節餘皆曰東萊校正某書詳節雖爲書賈假名猶有古義此明正德丙子京兆劉宏毅慎獨齋刊本概題爲東萊先生某史詳節凡史記二十卷西漢書三十卷東漢書三十卷三國志二十卷晉書三十卷南史二十五卷北史二十八卷隋史二十卷新唐書六十卷五代史十卷每種前冠以疆理世系紀年諸圖乃從宋末時書肆所行纂圖互注之本加入其非東萊所作益信矣

漢雋十卷 明翻元刊本 怡府藏書

陳振孫書錄解題稱括蒼林鉞處州府志亦載林鉞是本自序

作紹興壬午六月朔括蒼林越而越字有補刻痕迹豈改者之誤歟嘗取漢書中古雅之字分類排纂爲五十篇每篇卽以篇首二字爲名復有延祐庚申袁桷重刻序稱漢書之作爲習宏博便最爲定論罍里瞿氏田裕齋書目云宋本每卷首行標書名卷數次行低二格列目次畢低四格列篇名下接本文猶存古式每半葉九行大書分注每行大字十五小字三十此與瞿藏本一一符合惟版心不記字數耳有怡親王寶宛陵李之郇藏書二印

漢書十卷

明刊本

朱竹垞吳小谷藏書

宋括蒼郡林鉞國鎮輯明會稽郡呂元調父校

前有萬曆甲申呂元序有彝尊私印錫鬯味乳居士吳玉璣印
小谷吳蘭林西齋書籍印章諸記

石史鈔類

史部九

吳越春秋十卷

元刊本

秀莖草堂顧氏疏書

後漢趙鼎撰

鼎字長君山陰人見後漢書儒林傳隋唐經籍志皆作十二卷今佚二卷漢魏叢書併爲六卷殊失其初前有徐天祐序天祐字受之亦越州人稱是書越嘗鈇梓歲久不存沐梁劉侯來治越重刻於學不鄙諛聞屬以攷訂既刊正疑譌復爲之音注并攷其與傳記同異者附見於下末卷後有大德十年歲在丙午三月音注越六月書成刊版十二月畢工前文林郎國子監書庫官徐天祐音注紹興路儒學學錄留堅學正陳昂及舊教授梁相正議大夫紹興路總管提調學校官劉克昌銜名按凌迪知禹姓統譜天祐登進士第德祐二年以文林郎國庫書監召不赴云云是天祐本宋末人入元不仕其結銜乃追敘宋官耳

有秀埜草堂顧氏藏書印顧嗣立印俠君臣葵澹如諸印嗣立
字俠君長洲人康熙壬辰進士選庶吉士家有秀埜草堂儲書
讀畫極友朋之樂

華陽國志十二卷 明刊本 何義門校藏

晉常璩著明吳琯校

璩字道將江原人李勢時官至散騎常侍晉書載勸勢降桓溫
者卽璩隋經籍志此書入霸史類述巴蜀事始於開關終於永
和三年文詞典雅具有史裁前有宋元豐戊申吳大防序卷九
末有李羣附記卽羣補李勢志脫漏之闕此吳琯刻本中多張
佳允所補之文惟佚去卷十上先賢士女讚卷十中廣漢士女
讚兩卷蓋原本卷十分上中下琯僅刻其第十卷之下也何紀
瞻既鈔補其闕且校補其訛洵稱善本矣有義門氏家藏何焯
之印紀瞻三印

華陽國志十二卷

舊鈔本

汪氏開封樓藏書

晉導江常璩道將撰

此書第一巴志第二漢中志第三蜀志第四南中志第五公孫述劉二牧志第六劉先主志第七劉後主志第八大同志第九李特雄壽勢志第十先賢士女總讚第十一後賢志第十二序志并梁甯三州先以來士女名目錄宋元豐呂汲公刻於成都嘉泰中丹稜李丞重刻已有刻缺明嘉靖甲子成都守楊經成都郡人劉大昌依丹稜本校刊第十卷內較俗本多上中兩卷卽第十下漢中梓潼士女讚亦不亡脫前有呂大防李丞楊經劉大昌序別錄天啓元年李公桀范汝梓胡廷器三序及張佳允輯錄原常氏士女志目及吳岫程瑤田金榜諸題記有開萬樓藏書記印

鄴中記一卷

盧抱經校聚珍本

藏書志卷十

四

晉陸翹撰

右記石虎逸事隋書經籍志稱翹官國子助教原書久佚惟陶宗儀說郛刻之非完書也 四庫館從大典中蒐羅彙萃得七十四條更以後人所引鄴都故事收入者別爲附錄盧抱經以崔鴻十六國春秋校正首條稱石季龍盧云本書定稱爲石虎此由唐人所引因避本朝諱而稱其字有抱經堂藏武林盧文弨手校兩印

蠻書十卷 聚珍版本 盧抱經校本

唐樊綽撰

此書著錄於新唐書藝文志稱綽爲嶺南西道節度使蔡襲從事當懿宗咸通時纂述六詔始末於部族分合山川險易及叛服征討之事言之最悉書久亡失館臣自永樂大典錄出並以聚珍版印行盧抱經手校也有抱經堂校定本虎林盧文弨手

校兩印

九國志十二卷 鈔本

宋路振撰

振字子發永州祁陽人淳化中登甲科眞宗時知制誥嘗採五代僭僞吳南唐吳越前後蜀東南漢閩楚九國君臣行事作世家列傳未成而卒王應麟云書凡四十九卷陳振孫書錄解題云末二卷爲北楚張唐英補撰合五十一卷宋藝文志經籍攷所載俱同書向未刊行乾隆中邵太史二雲摘錄於永樂大典以闕軼未加編輯周夢棠從孔莊谷得底本因爲分國類敘得列傳一百三十有六釐爲十二卷並補世家目於卷首洵可補五代正史之遺阮氏元撫浙時曾錄以進 天府

江南野史十卷

舊鈔本

趙氏小山堂汪氏振翰堂藏書

螺川龍麥撰

後有朱竹垞跋云江南野史鄭樵藝文志載有二十卷此本止
錄十卷當再於別志察之有小山堂書畫印汪魚亭藏閱書兩
圖記小山堂者仁和趙谷林意林兄弟藏書處也谷林名昱字
功于意林名信字辰垣乾隆丙辰薦試博學鴻詞藏書數萬卷
山陰祁氏淡生堂所儲大半歸之儲藏之富校勘之勤爲杭城
冠

江南野史十卷 精鈔本 陳仲魚馬二樓藏書

宋龍衮撰

四庫提要謂衮爵里未詳是書皆紀南唐事用紀傳體而不立
紀傳之名一卷爲先主昇二卷爲嗣主璟三卷爲後主煜而附
宜春王從謙及小周后四卷已下載宋齊邱以下僅三十人十
一卷已下乃原闕彭文勤知聖道齋讀書跋則云龍衮吉州人
今永新尙多龍氏此書所紀多譌如先主尊徐溫爲義祖而以

爲尊其父榮焚若水盪江面造浮橋而以爲采石僧卓菴之類
至牛僧孺葬母永新唱歌與李氏有國事何涉云云此敦詩書
閣精鈔本也有海甯陳鯨觀簡莊藝文祕冊馬氏收藏經籍之
印二槎藏書諸圖記

江表志三卷

舊鈔本

陳仲魚舊藏

宋鄭文寶著

文寶字仲賢甯化人南唐鎮海節度使彥華之子初仕爲校書
郎入宋舉太平興國八年進士官至兵部員外郎東都事略硯
北雜志鐫園山叢談隨手雜錄並載其事迹此書以徐鉉江南
錄多所遺漏因作此以補其遺烈祖元宗後主各爲一卷有海
甯陳鯨觀一印

江南餘載二卷

舊鈔本

陳仲魚舊藏

宋史藝文志書錄解題均載是目陳振孫並據是書原序略云

徐鉉始奉詔爲江南錄其後王舉路振陳彭年楊億皆有紀江南事者均不足以史稱獨有取於鄭文寶江表志 四庫館從大典中纂錄此編有長安高詢海甯陳鯨觀兩印

三楚新錄三卷

舊鈔本

振綺堂汪氏藏書

儒林郎試祕書省校書郎前桂州修仁令周羽翀編

羽翀當是宋初人長沙馬殷武陵周行逢江陵高季興皆據楚地稱王故稱三楚以一國爲一卷述其興廢始末與五代史多有牴牾然其間亦足以資參考有汪魚亭藏閣書印

三楚新錄三卷

陳仲魚鈔本

馬二棧藏書

儒林郎試祕書省校書郎前桂州脩仁令周羽翀編

此書有陳仲魚讀書記古歡堂鈔書二棧藏本馬氏收藏經籍之印諸記蓋陳氏鈔本而後藏於馬氏者也

錦里耆舊傳四卷

舊鈔本

振綺堂汪氏藏書

前榮川應靈縣令句延慶墓

此記王氏孟氏據蜀時事 四庫館據書錄解題作八卷謂起唐懿宗咸通九年此四卷實起僖宗中和五年或別續補之本是卷後有朱筆記云錦里耆舊傳八卷自洪武五年七月十五日寫起至廿八日錄畢於華亭集賢洲北村居之映雪齋在家道人考松江府志孫道明字明升華亭人居泗涇藏書萬卷遇祕本輒手自鈔錄築映雪齋與陶九成張伯雨爲友又有記云馬端臨文獻通攷云直齋書錄解題曰前應靈縣令平陽句延慶昌裔撰開寶三年祕書丞劉蔚知榮州得此傳其詞蕪穢請延慶脩之改曰成都理亂記天成之後別加編次起咸通九載通乾德乙丑自平蜀之後朝廷命令官僚姓名及政事因革以至李順王均劉旣作亂之迹皆略載之知新繁縣太常博士張約爲之序又是編得之門人秦汝操秦又得之沈辨之惜乎祇

後四卷闕前四卷未得爲全嘉靖戊午冬姚咨舜咨甫識又丁
魯齋記云鮑大以文從吳中歸購得明時鈔本因爲勘正并錄
兩跋正見此書在洪武時尙完好也驗此足以見廬山半面矣
有汪魚亭藏閱書印

錦里耆舊傳四卷

舊鈔本

前榮川應靈縣句延慶纂

卷端有朱竹垞記云余年來思注歐陽子五代史記求野史於
蜀若毛文錫前蜀記事二卷董涪後蜀記事三卷李昊蜀書二
十卷張彭錦里耆舊傳一卷俱佚不傳僅存者張唐英蜀檮杌
十卷今止二卷若句延慶續錦里耆舊傳三卷恐亦非完書也
延慶字昌裔成都人官應靈縣令書成於開寶二年起咸通九
年迄乾德三年一名成都理亂記卷中載李昊降表及從降三
十二人入除目者二十六人李順王均劉旻作亂亦略載之可

以資采獲者惜大常博士張約序已亡之矣此本楮墨極舊明
末人鈔本也

錦里耆舊傳四卷

舊鈔本

杭蕙圃藏書

前榮州應靈縣令句延慶纂

此不全本考曝書亭集跋稱三卷又云至乾德三年止殊不合
也載有除目二十六人與此正合鈔手甚精有蕙圃稽定一印
五國故事二卷 舊鈔本

不著撰人名氏按書中所述當爲宋初人其書紀吳楊氏南唐
李氏蜀王氏孟氏南漢劉氏閩王氏之事稱曰五國論其地則
四國論其人則六國未審併楊李抑併孟王也前有萬厯間太
常寺少卿余寅序云鄭迪功通志嘗云列之霸史吾鄭少司馬
范公建天一閣多藏書此蓋瑣品之一司馬喜刻古書此編以
入丹格未及梓而歿余遂錄而存之學海類編知不足齋叢書

俱有刻本此則精鈔者耳

蜀檮杌二卷

舊鈔本

宋張汝功唐英撰

英自號黃松子蜀州新津人熙寧中官殿中御史事蹟宋史附載其弟丞相商英傳前有唐英自序云子家舊藏前蜀開國記後蜀實錄凡三十六卷不忍焚棄因檢閱始終削去煩冗編年敘事分爲二卷名曰蜀檮杌蓋取楚史之名以爲紀惡之戒云上卷記王建下卷記孟知祥

南唐書三十卷

明刊本

宋馬令撰令宜興人前有崇寧乙酉春正自序云南唐浸滅史官高遠慮貽後悔悉取史草焚之而死徐鉉湯悅奉太宗敕命追錄昔聞而志遠取近率皆疏略先祖太傅元康世家金陵多知南唐故事旁搜舊史遺文并集諸朝野之能道其事者未及

撰次遺捐館舍今不自料纂先志而成之列爲三十卷又有自序一篇明嘉靖庚戌刻本有姚昭一跋此本脫去

南唐書十八卷音釋一卷寫本

宋陸游粉觀

游字放翁山陰人佃之孫宰之子隆興初賜進士出身官至寶謨閣待制宋史有傳是書一二三卷爲烈祖元宗後主本紀四之十五卷爲諸臣列傳十六卷爲后妃諸王列傳十七卷爲雜藝方士節義列傳十八傳爲浮屠契丹高麗列傳序事簡潔宋有槧本元天厯初金陵戚光爲音釋博士程塾等校刊趙世延爲序明毛晉重刊附於渭南集之後此則從之寫出也

吳越備史四卷補遺一卷瓶花齋吳氏鈔校本

武勝軍節度使掌書記范垌武勝軍節度巡官林禹撰

文獻通攷吳越備史九卷陳氏曰吳越掌書記范垌巡官林禹

撰案中興書目云其初十二卷盡開寶三年後又增三卷至雍
熙四年今書止石晉開運比初又闕三卷只九卷又吳越備史
遺事五卷陳氏曰全州觀察使錢儼撰俶之弟也其序云備史
亦其所作託名林范而遺文墜迹殊聞異見闕漏未盡者復爲
是編時皇宋平南海之二年吳興西齋序蓋開寶五年也儼以
三年刺湖州康熙乙未吳焯云案此編五卷似與通攷後一條
合而實非也今以前一條所記之年攷之此編第三卷已盡石
晉開運四年依陳氏當止此今第四卷盡開寶元年陳氏所云
闕者已全豈散佚後復得耶抑後人增補耶陳氏云又增三卷
至雍熙四年今補遺一卷終俶之世攷宋史俶卒於眞宗端拱
元年卽雍熙四年之明年陳氏志其闕今并仍其舊矣今觀補
遺卷首原稱後人增補因前補者旣闕而後人重補之第探本
傳與家傳以足成此書耳至第四卷末有錢中孚錄寫題名錢

漢又畧跋尾洵爲儼所撰原本古今卷帙或有歸併第十二卷不應簡略如是當求儼原序攷訂也又記云偶得吳越二十四世孫受徵刊本其中小傳頗多刪節其後序題跋簡歷庚子此本前有馬蓋臣論亦屬明嘉靖間定本至萬曆時不知何以又有刪削此鈔本爲當時林范原撰本亦未可定也據受徵刊本武肅王二卷文穆王忠獻王吳越國王各一卷凡五卷吳越補遺一卷云是越中比部德洪所纂則前有錢中孚跋尾者原是五卷此鈔本標題誤也卷帙雖合稽之陳氏之論究難定此本爲林范原本未附受徵輯吳越雜攷一卷有繡谷薰習曾給筆札尺鳧吳焯又李侯梅湖盛氏圖書研池書耕巖堂印周司徒裔鄭氏寶藏迪人一字筱漣詣印

裔夷謀夏錄三卷

鈔本

劉忠恕著

藏書志卷十

十

前有草莽臣胡潛序按直齋書錄解題是書作七卷且署翰林學士新安汪藻彥章撰未知孰是豈一名而兩書耶

高麗史一百三十九卷

精鈔本

正憲大夫工曹判書集賢殿大提學知經筵春秋館事兼成均大司臣鄭麟趾奉教修

謹按 四庫全書存目有高麗史二卷乃偶存之殘帙此則足本也前有景泰二年八月二十五日鄭麟趾進書箋修史官三十一人銜名高麗世系纂修凡例書爲世家四十六卷志三十九卷表二卷傳五十卷目錄二卷合一百三十九卷景泰二年實朝鮮恭順王名珣之元年也高麗王氏自梁末帝貞明四年代高氏有其國建元天授稱後高麗傳三十二主歷四百七十五爲其臣李成桂所篡國亡此書紀王氏一朝之事治亂興廢制度文物炳然可攷洵高句驪之良史歟

唐餘紀傳十八卷 明嘉靖刊本

吳興陳霆脩

按霆字齊伯德清人宏治壬戌進士官至山西提學僉事前有嘉靖甲辰自序謂唐餘者李唐氏三百年世祚之餘也國紀三卷列傳十五卷復以別傳志略附錄終焉末又記云是書修成南淮先生取而終讀謂其延唐病宋蓋史斷系東周之誼審時起例蓋綱目處無統之法徵文攷獻蓋春秋取實書之意遂捐條餘付梓彭氏知聖教齋讀書跋尾譏其全襲陸書倒置前後改竄名字塗人耳目以博著述之名陸氏儀顧堂題跋云內潘佑傳文與宋本陸書同不若毛刻之脫落筵字亦不作筵蓋所見猶宋本也然則未始無一節可取耳

後梁春秋二卷

影鈔明刻本

陳仲魚藏書

海鹽姚士彝編述

士彞字叔祥國子生有陸氏易解蒙古堂詩集是書以後梁主
蕭詧爲武帝冢孫宜嗣梁祚武帝奪嫡而立簡文卒致覆滅而
晉附魏立國凡歷三主三十三年乃亡能保其祀北史及周隋
二史記載頗略故用編年之法欲晉續梁正統也前有萬曆丁
未蜀人李作舟知嘉興縣事安成顏欲章宛陵漢陽春三序卷
端鈐翰林院印始 四庫館發還之本又有祕冊陳仲魚家圖
書海甯陳鱣觀諸印

日本國史略五卷

寫本

從五位下行大舍人兼音博士源朝臣松苗編次

前有文政十年夏五月正二位清源宣光撰序云宋呂東萊左
氏博議極言古之史官直書時事不諱強臣無敢遁其罪終使
君臣之分天高地下長明於世嗚呼史官筆鋒之強扶持綱常
其功之大有如是者從五位下嚴垣彥明晚年有修史之志遺

命厥孫松苗編次云前內大臣藤原公修撰撰序云我日本環海帶山稱聖賢禮樂之域而迄叔季之世大義堙滅篡奪相尋至有歲易一主者宣尼所謂周公其衰也者非耶大學音博士松苗撮國史之要省重從簡以便幼學且令知我邦上下安分黎庶安業云按大清嘉慶二十三年日本改元文政此十年所編則在道光八年也以其照十八史之例敘事簡要寫法工整存之

朝鮮史略十二卷 舊鈔本 鳴野山房藏書

是書一名陳國史略併作六卷讀書敏求記云始自纘君終於恭讓王上下千餘年理亂之迹靡不具載李氏弒君篡位而此稱成柱爲太祖芳遠爲太宗蓋執筆者爲其臣子不得不然史記鄭夢周忌太祖成德欲乘墜馬病篤圖之太宗與李濟謀去夢周遣趙英珪等邀於路擊殺之及其家并放李穡於韓州至

是而王氏之舊臣盡矣又稱夢周爲人有忠孝大節國家多故處大事決大疑不動聲色咸適其當稽天資明敏與夢周同心終始不變臣節如是而成桂父子之忌二人唯恐翦截不連安能頃刻忘之耶此書諱而不沒其實信良史也此書每卷分作二故析爲十二卷核其實則同也卷七卷八末有萬曆丁巳吳郡葛一龍震父校卷九卷十末有萬曆丁巳閩中何璧玉長校始依原本而錄之歟有小李山房鳴野山房二印

東國史略六卷

明趙濟常鈔本 孫慶曾馮舒汪魚亭藏書

此乃明時朝鮮人所紀其國治亂興廢之事始於檀君終於高麗恭讓王王瑤自新羅朴氏以前稍略而高麗王建以後則皆編年紀載事蹟頗具末有萬曆庚戌清常趙琦美記云東國史略於燕京馮滄洲仲纓齋頭見之因借錄一冊書雖簡略而上下數千年事歷歷可指諸掌可謂東國之良史也馮嘗從事於

東征有全城之功而不見賞鬱鬱長安索米五斗不能侏儒之
腹飽也悲夫有琦美印似係手蹟別有松石齋孫從添印慶增
氏馮舒之印汪魚亭藏閱書各印歷經名家收皮豈不益可寶
哉

右載記類

史部十

歲時廣記五卷

明胡文煥刊本

廣寒仙齋陳元靚纂

元說里貫未詳前有劉純序稱龜峰之麓梅谿之灣有隱君子
廣寒之孫涕唾功名金玉篇籍萃成一書目曰歲時廣記未鑑
一序此帙已佚錢遵王讀書敏求記謂首列圖說而曹溶學海
類編所載亦並脫去此則首卷二十圖說具存餘分四時爲四
卷乃明人節本碩宋樓藏本作四十卷則全帙也

日涉編十二卷

明刊本

楚應城陳增升也甫編輯

其書雜採故實詩歌按時令編次每一月爲一卷先敘月令節候而三十日以次列之惟不載閏月未免疏漏矣卷首署名後有邑人徐養基叔宏周化惟南張崇烈抑之弟陳坤順也皆石艾白輝九峰校刻補輯題字

右時令類

善本書室藏書志卷十終